

**Atmosfera u etno-selu "Stanišić" bila je odlična, a snimanje je trajalo više od deset sati**

## **Halid Bešlić i "Legende" snimili spot "Tamburaši, tiho svirajte"**

U etno-selu "Stanišić" nedaleko od Bijeljine Halid Bešlić i članovi srbijanske grupe "Legende" snimili su spot za zajedničku pjesmu "Tamburaši, tiho svirajte". Snimanje je trajalo više od deset sati.

- Dvije sedmice smo čekali na lijepo vrijeme da uradimo spot. S nestrpljenjem smo gledali vremensku prognozu i iskoristili smo već prvi sunčani dan. Atmosfera u etno-selu bila je odlična, a pored članova "Legendi" i Halida, pojavljuju se četiri djevojke. Svi smo oduševljeni izgledom kompleksa "Stanišići" i žao nam je što smo sve vrijeme morali raditi i nismo mogli uživati u njegovim ljepotama - kaže Zoran Dašić Daša, lider "Legendi".

Montiranje spota trebalo bi biti gotovo naredne sedmice, a premijerno emitiranje planirano je za krajem april.

- Spot će u isto vrijeme biti distribuiran u cijelom regionu. Drago nam je što smo snimili duet s Bešlićem, koji je sigurno najveća zvijezda bivše Jugoslavije. Voljeli bismo da promociju spota organiziramo u Sarajevu. Trenutno s Halidovim menadžmentom dogovaramo detalje predstavljanja pjesme, ali i solističkog koncerta, koji će u glavnom gradu biti održan najesen - kaže Dašić.